



**Societas Iesv Amatrix, Cultrix, Imitatrix, Christi Crvcifixi**

**Sandaeus, Maximilianus**

**Antverpiae, 1647**

142. In flabello Crucem depingi curat, ut semper versetur ob oculos  
flabellifero, Patres Japonum, Sinarumque Catechistæ.

---

---

**Nutzungsbedingungen**

[urn:nbn:de:hbz:466:1-55449](#)

II.

## AMATOR CRUCIFIXI

*In flabello Crucem depingi curat, ut  
semper versetur ob oculos  
flabellifero.*

**H**ac illecebrâ utuntur apud Japones & Sinas Socii, ad fidei Christianæ mysteria commodiùs explicanda, & suaviùs instillanda illarum gentium Magnatibus, quibus multus est, non modò ad auram ciendam, sed ad quendam etiam cultum urbanitatis flabellorum usus.

ANNO M. D. LXIII. in Japoniâ sumitanda Regulus, cùm libenter se disputationem de lege divinâ audicurum ostendisset, Concionator noster Europæus è Societate Iesu, majorem divina cognoscendi mysteria cupiditatem injecit donato Flabello, Sanctissimo Iesu inscripto nomine, CRUCIS supernè, infernè clavis appictis. Id ut Regulus vidit, quid argumenti, quid illud litterarum sit, percunctatur: opportunèque Joannes Fernandius Catechista, qui Japonicè callebat optimè excipit. Id circò id ei se flabellum dedisse, ut Signum, ac nomen, quo erat inscriptum penitus in corde sibi imprimeret.

Deinde ubi Fernandius ordine Scho-

142.  
PATRES  
Japonum  
Sinarumq;  
CATECHI-  
STAS.

JOANNES  
FERNAN-  
DIVS LU-  
Sitanus.

## 240      SOCIETAS IESV

lam de principiis rerum ac Religionis habuit, sui memor flabelli Regulus, expressa in eo signa, ut tandem sibi explicaret, rogavit. Tum inter cætera de SANCTA CRUCE sermonem exorsus Fernandius, quid ex eâ opis & beneficii Constantinus Imperator accepisset, memoravit. Quæ Regulus, ut apparet, satis percepit omnia. Et voluit in flabello, quo utebatur, Orationem Dominicam, Salutationem Angelicam, & versiculum : *Per SIGNVM CRVCIS de inimicis nostris libera nos Deus noster,* adscribi. Tum quid esset Quadragesima, quæ tūm celebrabatur, multaque præterea id genus explicari.

Die postero, è suis familiaribus nobilem virum, eumque Christianum, Ludovicum nomine, urbis Omuranæ Præfecti fratrem ad Cosmum Societatis superiorem iis in partibus allegans, nunciare jubet, se quidem jam animo Christianum esse : sique virilis stirpis, Deus potentem faceret, ad Imperii contra tumultus, qui suboriri possent firmamentum, palam se pro Christiano gesturum.

*Francisc. Sacchin. in Societ. Iesu Hist.  
par. 2. lib. 7. num. 136.*